

應試詩法淺說

詩法百篇弁言

詩教至今日稱極盛矣自

廷試館選迄鄉會直省科歲兩試皆以之近科

功令所昭特嚴磨勘聲律之細與制義文等重使非格律穩諧
有合辭製難異入彀則詩學可弗亟講欤特是窮鄉僻邑
愧乏師承徒事襲取全無誦貫既苦於詩法不合而坊刻
簡畧僅列箋釋絕少發明又苦於詩律不細二者均失固
然其無足怪余家塾授徒吶於口而勤於筆凡文法經義

待指明者類作解以示之而於詩學尤多緒論語不涉深
言之易入指畫所及意已豁如一時競傳借鈔不一同學
諸子謂宜謀刊不當自私余聆之而謝未遑也然而一得
之愚亦思自獻枕中之秘雅欲公人是編之出雖無當于
鼓吹休明之助而學詩者喜得捷徑授徒者樂有成書播法遐
邇或不為同志所棄因揅手錄原本而付之梓計卷有六
合今唐詩共一百首至分錄之法詳諸例言茲不復贅
乾隆歲次己酉桂月之吉聊城葉葆玉岑氏手書

應試詩法淺說目錄

學詩須知六則

詩體須知

詩韻須知

限韻須知

平仄須知

裁對須知

記韻須知

詩法淺說十八則

篇法

起韻破題法

次聯承題法

三四聯詮題法

五聯足題法

末韻結題法

句法

字法

對法

烘托法

點染法

襯貼法

關照法

運用法

審題法

檢韻法

選料法

押韻法

讀詩法

抬寫法

詩品

精選詳註試律百篇

唐人試律四十首

六韻

本朝試律六十首

八韻

題解

箋釋

疏義

評註

詩法百篇凡例計則

一前編淺說爲塾課訓蒙而設詞取達意質而不文說不厭詳煩而不殺借引初學之路敢避大雅之譏詩前列題解數語雖單論本題而法可旁通取則不遠是在讀者觸類引伸

一本題出處詩中典故皆於詩后箋明而遇有字義深奧難解者仍用俗說釋之爲便初學不計淺陋

一以訓詁解詩直等諸高子之固然爲初學易解不得不順文疏義授徒者便於指陳可取備覽讀詩者嫌其煩瑣可置不閱既取兩便何妨並存

一作者審題命意煞有體認讀者批竅導會須中理解是編以註爲評皆於詩法實有發明一切泛贊實評槩不闌入

一標示平仄祇於平字角下加以線圈仄字從省正恐行間地窄煩則混目其中倒字均體記以于旁單擡

雙槩標△于外。遇有音義異同。需辨明。及難字需音釋者。亦一一詳列于后。並省查閱之勞。

一詩景物典制分彙。題既取其類聚。解亦便于互參。較編輯失次者。尤為便讀。唐人試律四十首。本朝如之六韵。入韵於體。既全。小試大試。於法亦備矣。

一末錄詩墨趨風氣也。法守其舊而調從其新。應闡試者。便揣摩焉。其詩不以省分。不以科敘。隨收隨錄。輯為一卷。恰足百篇之數。聊懸入彀之式。

一詩根性靈。亦閑學力。取法不正。易落俗庸。是編為試律。備法而選擇尤慎。一切習見之作。與律法不細者。槩不選錄。

是編為塾課定本。一字一句批示。必詳一點一圈。筆不濫。或引舊說。必註明其從來。時露新機。亦非出於臆見。金針暗度。甚勿貪看鴛鴦。

己酉冬日跋笑謹識

學詩須知

跋奚璣言

詩體須知

詩不一體。亦不一法。自唐以詩取士。用五言排律。國朝因之。是爲應試定體。排律詩限以音韻。定以平仄一字。不容錯亂。所謂律也。詩不易學者。以此。謂其有一定程式。不可那移也。然詩之易學。亦賴有此。謂其有現成式樣。可以遵守也。五字成一句。是謂五言。兩句爲一聯。一聯用一

韻。兩韻是一排。十二句爲一首。是謂六韻。小試用之。鄉會
兩試則增一排。用五言八韻。

詩韻須知

字音有清濁。齊中書周顒以四聲切之。此韻書所由始也。
切韻之學。近人不講。學詩者。惟恃韻本。分平仄矣。東冬江
支微魚虞齊佳灰真文元寒刪上平十五韻。先蕭肴豪歌
麻陽庚青蒸尤侵覃監咸下平十五韻。在此三十韻內。字
皆係平聲。又有上聲二十九韻。去聲三十韻。八聲十七韻。

在此七十六韻內字。皆係仄聲。韻書所收字數詳畧不同。追佩文詩韻出。乃集韻學之大成。應舉定本。特此爲指南矣。他本未可爲據。廣註恪宜遵守。近有擇韻府字典附每字下爲連珠含英者。初學便之。但音義異同。字各有辨。不爲註明。仍多舛錯。特輯錦函若干卷。列韻藻於內。附廣註考辨於上。容謀續刊。以公同志。

限韻須知

試律皆押平韻。無押仄韻者。如詩題下寫得風字。便檢一東。內字押。斷不許出此韻外。所謂限韻也。至所得之字。必須押出。尤不許遺失。○旣限六韻。則首句自不應入韻。

有因此

磨勘者不
可不知

平仄定式須知

詩如製曲一般。必須抑揚高下。方有音節。故平仄取其相
間。去聲今將定式。排寫於後。

仄仄平平仄。平平仄仄平。
 仄仄平平仄。平平仄仄平。
 仄仄平平仄。平平仄仄平。
 仄仄平平仄。平平仄仄平。

平仄定式一看便曉。原不難解。所難者。初學於平仄不能
悉分。難免倒字耳。要知字分四聲。本係天地自然之音。無
難口調。前人審音歌云。平聲平道。謂放平。莫低昂。謂不可
便混作上聲下。上聲高呼。謂須。猛烈強去聲。分明。謂須朗
便混作入聲。短促急收藏。既解等韻則平上去入隨音叶
去原自分明。卽令初學不解調音。亦可記韻統計。仄字分
七十六韻。平字不過三十韻。能將平韻勤看。平聲熟則仄
字自對出來。此至拙之法。人人皆能實至巧之法。人人不

易或謂三十韻不下千有餘字。初學或不盡識焉。能悉記。余曰不然。韻內字初學誠有不識。然既不識。認是字。豈復能用此字。於生疎不常用之字。祇可暫存。不論容以次漸通可耳。至謂難於記憶。獨不想每課作詩。便每韻遍閱。於檢韻時。將應用之字。卽用筆圈記。祇存三十韻。前後翻閱。不下數百遍。豈必須熟讀而後記耶。

裁對須知

詩除起結兩韻中聯皆用對。偶學者想已知道。但對正不

易。虛字仍對虛字。實字仍對實字。雖忌拈煞。又怕任意總
之初學作對。先以工穩爲貴。如清風對明月。柳綠對桃紅。乃覺工穩。前人教
童子於正課外。多教學對。不但啟其才思。亦使之明於詩
律。若不預知此法。驟令學詩。字字要工。句句要穩。未有不
覺其苦難者。故作對是教初學作詩第一先路。初學詩
未能遽作一首。可仿童蒙學文先作承破法。命從四句學
起。破題承題理。既易明用單。用雙法。亦全脩能作兩韻於
串意對話。平仄粘聯。既無錯誤。以後依次排去。自覺易易。

以上六條特爲初學陳其大畧如是。從此看詩。庶乎知道如何爲律。如何爲韻。如何爲平仄。至於記韻作對兩條。更指一入門之路。詩難解耶。亦易解耶。雖然。詩有詩法。若非細參。圖圖看去。仍無處下手。前人論詩妙法秘訣。具有成書。或于試律不切。坊間試律諸選。僅列箋註。而於詩法多不指明。初學從何而得。茲特求其易解。或參前人舊說。或集名人新解。不憚煩絮。爲初學淺說之。

詩法淺說 十八則

篇法淺說

初學習文其於破題承題前比中比後比結題等法講之
久矣。今仍以文法解詩理。自易明。詩有篇法。不是隨意湊
成。足數而止。六韻詩首二句是破題。須將題字醒出。方見
眉目。切忌蒙混。浮泛。第二韻是承題。接上韻說。情祇取明
白。曉暢。且勿着力。第三韻是前比。須虛虛引入。寧淺勿深。
第四韻是中比。須要靠題詮發。着力鍊句。不可單薄寬泛。
第五韻是後比。找足餘意。末二句是結穴。收住全題。蓋由

淺入深。由虛入實。原係一定層次。一樣布置。若不知篇法。未有不失之凌亂倒置者。此其大畧。若其一氣貫注。逐比相生。必細玩成詩。方得其妙。

破題法淺說

按成詩破法不一。有明破題字者。如風不鳴條詩是也。有暗破題意者。如履春冰詩是也。有順破者。如早春殘雪詩是也。有倒破者。如窻中列遠岫詩是也。有對破者。如風光草際浮海上生明月詩是也。有分破者。如月夜梧桐葉上見寒露是也。又有四句破完者。如乘月早朝聽殘漏詩是也。此係題中字多。兩句不能破完。故於承中補之。

前人云。被要如開門。見山突兀。崢嶸。如月中桂。暨河鯉登龍門等題。起法似之。

或如間雲出岫。輕逸自在。如風光草際浮。暨積雲爲小山。有此妙境。二者足盡

破法之妙矣。但非初學能解。有首句從題前引入。次句破

題本位者。法既易曉。人亦易學。如御溝新柳。第二句溝邊

柳色新。是將本題破明。首句先說律到九重春。便是題前

來路。蓋說春。是爲新柳作引。說到九重。是爲御溝作引。皆

有理脉。又非如俗手。無論何題。首句漫用時屆三春節。律

屆朱明節。此也。若水始冰題。首句用元冥方屆節。東風解

凍題首句用太皞方司令便是題旨又不可一概而論是在解法者用之得宜耳諸樣破法皆於試律後詳示之茲不悉備

承題法

三四句名爲額聯卽是文之承題前人謂承要如驪龍之珠抱而不脫又如草蛇灰線不卽不離初學未能遽解其妙總之或明承破意或暗承破意祇要緊跟上文申明題義不用實詮卽有切題新穎字且不用着意刻劃語且不

使全。要善留中比聯實詮地步。如月中桂。第二聯說桂之根葉。非生下土不墜。秋風亦祇承明是月桂。不同凡桂而已。至於月桂之所以超乎凡桂。如所謂影高羣木香滿一輪者。則用作中比聯。飛鴻響遠音題。第二聯祇承鴻字。說清聲高韻。流野入空。補出音字而已。至於遠音之所以響如所謂榮雲避月者。則用作中比聯承題之法。如是如是。提比中比聯淺說。

五六句名爲頸聯。卽文之提比。漸漸合題。不得迂緩。但此

聯若驟着力。又恐中比不稱。

去聲

故寧淺毋深。寧虛毋實。用

留下聯實詮地步。若七八句名爲腹聯。卽文之中比題中實情實境實事實理全要在此聯發揮。必須寫得飽滿圓湛。合上聯論之上聯。可以虛此聯。必須實上聯。可以淺此聯。必須深。或用烘托。或加點染。法詳後用新穎字典。用警切故實。句法字法俱要着意琢鍊。若此聯薄弱。便前後不稱。通幅減色矣。又有用分柱洗發者。須相題爲之。如立春題。清題後三四五聯皆靠實分發。此如文章之六比實詮。

言以言言一
格也要其布置亦有前後不但各聯立柱無一重複細註
詳後

後比聯淺說

九句十句名爲尾聯卽文之後比宜向題後推說有用旁
觀者如御溝新有用開宕者如飛鴻響遠有作翻勢者如
中桂詩凡言情寫景序事引証俱要變換不可與前聯重
是也柳詩是也音詩是也
複而用意尤貴與結韻相生蓋此聯爲轉轉原爲合設若
能生出波折引起結意更妙如御溝新柳用楚國隋堤作

觀卽引出帝城來。月中桂用未種作翻勢。卽引出羽化意。來一氣捲舒。真屬妙法。

末韻收題法淺說

末韻收結卽文字之鎖題也。唐人試律結法不一。有以自謙意作結者。如日暖萬年枝詩是也。有以祈請作結者。如禁中春枝詩是也。有以言志作結者。如秋山極天淨詩是也。有以勉勵作結者。如出籠鵲詩是也。要皆借題寓意不粘不脫。但細爲衡量。祈請者隣於干進。言志者涉於矜張。卽自謙自勵亦是俗套。總非應試體裁。

論應試還當以頌。聖作結爲正式。蓋空格寫題原爲拍

寫而設。無拍寫何取空白。要知頌。聖正自有法。非槩用

套語如常用。聖朝時序正。聖朝恩澤溥。之謂其謂引

事就我用意切題。却出語冠冕不落小樣。總之一關照法

盡之。唐人試律不皆頌。聖惟國朝館閣詩曲盡其妙

姑就其淺易可學者言之。如花木題歸重到華林上苑妙

矣。而又能用茂對時育及栽培等意。緊相關照。如雨露題

歸重到聖恩。帝澤妙矣。而又能用休徵咸叶雨暘時

若緊相關照學者窺破此秘則語無泛設矣

句法淺說

句法不一。或上二下三字。或上三下二字。或上四下一字。或一虛四實字。或兩虛三實字。前後必須變換。不可兩聯一律。卽如前聯腰用虛字。則後聯可用實字。上聯押脚是實字。則下聯押脚可用活字。總要錯綜最忌合調。鍊句須五字打成一片。要自然要渾成。如鐵鑄成。如珠串定。方妙。最忌生扭強湊。而鍊法尤忌太順。太順則直率無味。如

履春水第三聯論詩意當云行時想蟬翼踏處驚魚鱗矣
作者却將蟬翼魚鱗折開用折轉鍊來何等警切又如天
驥呈材試力通衢呈材盛世亦俗意耳作者偏將試力呈
材拆開鍊句之妙同一匠巧○有端莊句法有流利句法
用實字多端莊但忌生硬用虛字多流利但忌俗弱

字法淺說

前人謂腐字要新用別有煅鍊生字要熟用不致戾目虛字要實用
勿令死字要活用不使板滯俗字要雅用皆須典核運用之妙視各

八筆。大。猶。壯。未。可。強。也。又。云。詩。貴。鍊。字。所。謂。詩。眼。是。也。譬。如。傳。神。點。睛。一。身。靈。動。在。平。兩。瞳。通。篇。精。采。生。於。一。字。詩。中。儘。多。字。法。標。示。在。後。但。初。學。作。詩。率。意。下。字。因。多。穉。嫩。着。意。鍊。字。又。或。生。拘。是。字。法。全。在。平。日。熟。讀。自。然。有。得。甚。勿。效。顰。見。短。

對法淺說

對。貴。工。整。又。忌。板。滯。過。於。拘。泥。去聲則。出。語。無。生。動。之。致。矣。詩。家。有。虛。實。對。法。有。流。水。對。法。知。以。虛。對。實。可。化。板。滯。解。

兩句流水更極圓轉。他若假對法如月中桂承聯下土秋風是也。交股對法如初日照鳳樓承聯峻宇通閣是也。又有本句自爲對法。總之始求工緻。漸進圓通。變化從心。自不犯手。不

烘托法

題有正面却不於正面下。呆筆偏從反面旁面寫出。木賦此物却不專於此物上用。寔寫偏藉旁物別類點綴之。此烘托之妙也。畫家無寫月法。着意烘雲。雲烘滿則月隱隱。

托出矣。此烘托之妙。學詩者可於借喻得之。

點染法

方之畫家爲設色法。徒事白描。或恐太素。另換一副筆墨。着意綉染。則色色鮮艷矣。凡遇景物情致。題不可不用點染法。詳註在後。

襯貼法

襯者陪也。如以風陪雨。以雲陪月。以花陪木。是矣。而未盡貼題之妙。作詩必貼本題。用襯方不寬泛。若僅知用陪。便

無借賓形主之妙詳註在後。

關照法

關照法多於結韻。聖用之固矣。而雙關題尤須解用。此法如所選經訓爲菑畚題。自是以經訓爲題正義而用意。下字却處處從菑畚上生情。如所用書田藝圃學殖等字。則關照得法矣。人情以爲田題。自是以人情爲題正義。而用意下字却處處從田字上生情。如所用越畔心苗等字。則關照得法矣。若不窺破此秘。必無好句。固不獨結韻。

須解此法也。

運用法

曉嵐紀太史謂隨手關合卽成巧句如山谷猩猩毛筆詩曰生前幾兩展身後五車書因猩猩好着展而思及阮孚之語因筆可作書而思及惠施之事未經運用了不相關偶爾湊拍天然妙諦蓋用事之妙全在點化有神若抄撮類書搜尋韻府雖極工巧皆成死句又謂選聲配色相題爲之蓋典重之題不得着一媚妩字衣冠劍佩之中間以

粉黛則妖矣。濃麗之題不得着一方板。語賞花邀月之飲賓主百拜則迂矣。

審題法淺說

題不一類。自不一法。倘不細審題。竅則輕重不分。賓主不明。從何處着筆。蓋詩與文同。有小題有大題。有單題有雙題。有串通題有分疏題。有序事題有渾發題。必須尋得題間。知其着眼何字。下筆方中。理解何謂小題。如草木禽鳥咏物等題是也。法祇肖形賦物足矣。若大題或關治化或

屬典實則必求冠冕勿落小樣又如題係咏柳則詩單賦柳是小題亦屬單題若出春風柳上歸則脫去風字單賦柳字不得法宜風柳夾寫着眼在歸字方爲得法所謂串連題也何謂雙題事屬兩項宜用分疏如雲霞出海曙題點清題字以下分疏宜一句貼雲一句貼霞若一聯咏雲一聯咏霞又或雲霞渾說仍欠清楚皆不合法如遇浮雲連海岱則海岱宜分貼山川出雲則山川宜分貼題如剪股兩項分疏以一字綰定成式具在類推可也又有題兼

數項中聯宜用分疏如五事廉爲本則五事必用分還方
清楚四時爲柄則四時必用分還方清楚是也八選唐詩
如重陽日得書暨詔賜公卿尺便是序述題法應序明前
後一綫層次清晰毫不凌亂方爲合法又有雙關題卽比
體也紀太史謂有二格其隱含喻意者法當先影寫而後
點睛如唐詩風雨鷄鳴之類是也遇題中明出如字者如
澄心如水題法必先點清而後夾寫此定法也
若李頻振
振鷺詩之
明點於前王維清如玉壺冰詩之補點
於後皆有意變化見巧非格應如是
又有就題論題可

不拘本旨者如春草碧色可不必切送別白雪歸帝鄉可
不必切登遐蓋試律貴吉祥須識忌諱此等處各以意通
之未可執一言法也愚按場屋詩題多摘前人成語詩句
貴乎肖神每多刻劃求工夫題既着一二字着意刻劃則
作者得其用意自應亦向他着意之字上用心填寫方不
辜負題情紀太史謂凡句中之眼皆鍊虛字若以之命題
亦必於虛字摹寫所謂傳神寫照正在阿堵中學者解此
則題竅不失矣

茲選於每題下各有講題數語讀者細心玩味觸類引伸當自有得

檢韻法

作詩首在審題。次當檢韻。韻得則布置已定。再選料佐料。現成不難成句矣。韻何須檢。蓋不檢字則韻脚不穩。不檢字則句法不就。何也有如月中桂。題得中字。試代爲檢東韻字。除其所用中風空同等字外。其餘字尚有與題切合者否。不切合則強押不來。故有一題兩首。各人詞調不同。而韻字押用大畧相似者。惟其應用之字不外此數也。而句法不就。則又有說。夫詩爲韻限。與文不同。因字生意。卽

因韻成句。隨其自然。也不強韻就我。則語方融洽。並對仗。亦工。若先有上句。再對下句。必爲韻縛。不但難工。抑且難穩。此兩條乃用韻妙訣也。

選料法

韻字檢得。則前後布置。胸有成竹矣。而學者腹笥未充。無詞敷佐。爲之奈何。是有選料之法。夫經傳去声自去声幼誦習。而詞賦等書。不必人人遍覽。卽博覽載籍。尚需時日。而學者應試。卽須有詩。此詩料之輯。洵足爲枵腹資糧也。但不經

選用則於本題未必的切。不經選用則其中字典不盡雅。
鍊初學看詩料。不知運化多事堆垛。不顧何等字。是此題
應用。更不論此等字。非詩中宜用。又何怪其襍奏無章。而
戾語叢出也。必擇其的切者。用方不涉泛。必擇其雅鍊者。
用方不涉粗。腋集千而俱白。錢選萬而盡青。是在各人披
揀得法耳。坊刻詩料甚夥。大抵從舊本撫拾。未經選錄。課
讀之暇。爲輯碎玉若干卷。容隨賦法賦料兩編。

一事謀刊。
公之同志。

押險韻法

絕太史謂作詩最藏拙者莫過於險韻唐人試律限險韻者至少蓋主者深知甘苦不使人巧於售欺也而今人不知輒謂熟韻易於成章遇險韻多致窘手是又不可不爲講押用之法韻字既有應用之字祇有此數若涉牽強必難穩愜是須引韻就我亦可以題近韻如繞屋樹扶疏戈作春蠶作蘭沈作試玩其前後韻脚何等穩稱去聲何等自然結韻懸袍帶咸與本題有何關涉一經引用恰成一串心地靈活固自頭頭是道也

讀詩法

以上詩法十八則。自每首篇法、字法、句法、對法、以及詩中烘托點染、關照運用、逐一示明、言之不諱、不詳且盡矣。而作詩審題、檢韻、選料等法、更於前人註詩之外、指一八門之路、明白顯易。人人可解。試先於此編玩味、有得心已豁。如再讀試律成式、具在對看、更明。詩庶乎其易學乎。茲復爲之更進一解曰：作詩有法。卽讀詩亦復有法。詩按譜填寫與詞曲一般。其中音節頓挫。必須高聲朗誦。方合聲調。

古人謂咏嘆淫泆其味深長讀三百篇尚然况試律乎初學不解詩味祇同時文作一事念法非讀不成句卽誦不出口將名人詩直味等嚼臘又安望其所作之詩音節諧合聲調鏗鏘耶夫字分平仄句有粘聯平字輕鬆讀宜揚開仄字重去聲濁讀宜抑下一開口便有高下抑揚則詩之節奏出矣再者四句一排其每句中各有界縫各有宕折若知頓挫便合音節讀者詳之

擡寫法

詩策內有應擡寫字樣鄉場例有明示而小試則無若非

素日講貫難免錯誤其應擡寫之字甚夥不能枚舉大約

詩中常用如上苑華林係皇上紫禁彤廷鳳闕係皇上

者等類字樣皆應一抬若睿慮皇恩帝澤係實貼上說者皇應

兩抬即聖朝盛世亦應兩抬至於天廟祖等樣字則用三

抬出格寫唐人應制詩如係應制則制字亦應兩抬一首

多至數抬若應試詩可一抬亦可兩抬不必過多總之無

兩抬字樣則單抬作兩抬亦可不謂違式而兩抬字樣必

不許作單抬應三抬字樣必不許作兩抬此場屋中宜留心者特附錄於編末

刻有大小試場規要覽論列甚詳備

應試詩法淺說卷之一終

詩品

唐司空圖撰

雄渾東

大用外腴真體內充返虛入渾積健爲雄具備萬物橫絕
太空荒荒油雲蒙蒙長風超以象外得其環中持之匪強
來之無窮

冲淡微

素處以默妙機其微飲之太和獨鶴與飛猶之惠風冉冉

詩品

一

在衣閱音修篁美日載歸遇之匪深卽之愈稀脫有形似
握手已違

織纓 真

采采流水蓬蓬遠春窈窕深谷時見美人碧桃滿樹風日
水濱柳陰路曲流鶯比鄰乘之愈往識之愈真如將不盡
與古爲新

沈著 庚

綠杉野屋落日氣清脫巾獨步時聞鳥聲鴻鴈不來之子

遠行所思不遠若爲平生海風碧雲衣渚月明如有佳語
大河前橫

高古 冬

畸人乘真手把芙蓉汎彼浩劫宵然空縱月出東斗好風
相從太華夜碧人間清鍾虛佇神素脫然畦封黃唐在獨
落落元宗

典雅 屋

玉壺買春賞雨茅屋坐中佳士去左右修竹白雲初晴幽鳥

相逐眠琴綠陰上有飛瀑落花無言人淡如菊書之歲華
其日可讀

洗煉真

猶鑛出金如鉛出銀超心鍊治絕愛溜磷空潭瀉春古鏡
照神體素儲潔乘月返真載瞻星辰載歌幽人流水今日
明月前身

勁健東

行神如空行氣如虹巫峽千尋走雲運風飲真茹強蓄素

守中喻彼行健是謂存雄天地與立神化攸同期之以實御之以終

綺麗 侵

神存富貴始輕黃金濃盡必枯淺者屢深露餘山青紅杏在林月明華屋畫橋碧陰金罇酒滿伴客彈琴取之自足
良殫美襟

自然 真

俯拾卽是不取諸鄰俱道適往著手成春如逢花開如瞻

歲新真子不奪強得易貧幽人空山過水采蘋薄言情悟
悠悠天釣

含蓄九

不著一字盡得風流語不涉難已不堪憂是有真宰與之
沈浮如淥滿酒花時返秋悠悠空塵忽忽海漚淺深聚散
萬取一收

豪放陽

觀花匪禁吞吐大荒由道返氣處得以狂天風浪浪海山

蒼蒼真力彌滿萬象在旁前招三辰後引鳳凰曉策六鼈
濯足扶桑

精神

反

欲返不盡相期與來明漪絕底奇花初胎青春鵬鷁楊柳
池臺碧山人來清酒滿杯生氣遠出不著死灰妙造自然
伊誰與裁

縝密

支

是有真跡如不可知意象欲出造化已奇水流花開清露

未晞要路愈遠幽行爲遲語不欲犯思不欲癡猶春于綠
明月雪時

疎野 支

惟性所宅真取弗羈控物自富與率爲期築屋松下脫帽
看詩但知日暮不辨何時倘然適意豈必有爲若其天放
如是得之

清奇 九

娟娟羣松下有漪流晴雪滿汀隔溪漁舟可人如玉步履

尋幽載行載止空碧悠悠神出古異淡不可收如月之曙
如氣之秋

委曲

陽

登彼太行翠遶羊腸杳靄流玉悠悠花香力之於時聲之
於羌似往已迴如幽匪藏水理漩洑鵬風翱翔道不自器
與之圓方

實境

侵

取語甚直計思匪深忽逢幽人如見道心清澗之曲碧松

之陰一客荷樵一客聽琴情性所至妙不自尋過之自天
冷然奇音

悲慨 仄

大風捲水林木爲摧適苦欲死招憩不來百歲如流富貴
冷灰大道日喪若爲雄才壯士拂劍浩然彌哀蕭蕭落葉
漏雨蒼苔

形容 真

絕佇靈素少迴清真如覓水影如寫陽春風雲變態花草

精神海之波瀾山之嶙峋俱似大道妙契同塵離形得似
庶幾斯人

超詣微

匪神之靈匪機之微如將白雲清風與歸遠引莫至臨之
已非少有道契終與俗違亂山高木碧苔芳暉誦之思之
其聲愈稀

飄逸文

落落欲往矯矯不羣猴山之鶴華頂之雲高人畫中令色

細組御風蓬葉泛彼無垠如不可執如將有聞識者已領
期之愈分

曠達歌

生者百歲相去幾何歡樂苦短憂愁實多何如尊酒日在
烟蘿花覆茅簷疎雨相過倒酒既盡杖藜行歌孰不有古
南山峩峩

流動虞

若納水輪如轉丸珠夫豈可道假體如愚荒荒坤軸悠悠

天樞載要其端載同其符超超神明返返冥無來往千載
是之謂乎

詩品終

此表聖自列其詩之有得於文字之表者二十四則也
昔子瞻論黃子思之詩謂表聖之言美在鹹酸之外可
以一唱而三嘆於乎崎嶇兵亂之間而詩文高雅猶有
承平之遺風惟其有之是以似之可以得表聖之品矣

常熟毛晉識

應試詩法淺說詳解 卷二

古東郡跋奚葉葆評註

唐人試律 景物二十首

東

月中桂

題出虞喜安天論言桂在月中非凡樹能比也

張喬

題此題賦桂易泛法宜用拾高寫句句解着眼月中則泛賦桂題自移用不去

與月轉鴻濛扶疏萬古同根非生下土葉不墜秋風每以

圓時足還隨缺處空影高羣木外香滿一輪中未種去聲丹

霄且應音英虛白兔宮何當因羽化細得問元功

劉鵠濛元氣也。莊子雲：將東遊適遭洪濛，扶疏枝葉盛。

釋：鵠圖缺謂月也。月圓如車之輪，故謂一輪丹霄。天上

也。天有九霄，丹霄其一。白兔月中搗藥者，羽化謂登

仙也。元妙也。按本作立功，避諱字。應改寫作元。

魂一起明破月，暗破桂。言此桂與月借元氣而生，亦與

義月萬古同榮焉。下即承清謂根非托下土而生，宜其

葉不隨秋風而墜也。中比兩聯言月圓則此桂亦圓，月

缺則此桂亦缺。照影獨高，直出羣木以外。飄香常滿，祇

在一輪之中。題已賦足，後比乃作翻勢，言丹霄未種之

先豈白兔宮果空虛無物乎？特設疑陣，起下問桂，言必

須羽化登仙。庶幾細問此桂之元妙乎？隱寓折桂之意。

詩首韻破空而起，所謂開門見山。突兀崢嶸也。不知此

註超渾便寫丹桂，不出振全勢，不起此起調之絕佳者。

○既係賦桂，則根葉影香自然可用，但不切月中，則與

題不肖。此詩全從大處落筆，虛際宕勢渾脫，精到乃雅。

寒

與題稱○筆致圓轉。團結一氣。全在善用虛字。非不每以還隨未應何得等字。用得輕鬆活脫。便覺筆。振。飛。動。之勢。初學可向此中悟入。○詩忌凌亂。尤怕板滯。講前後次第法。則凌亂去矣。解開合流走法。則板滯除矣。

殘月如新月

題出庾信詩言殘月如新。堪供玩賞也。

鄭谷

題解

此咏月小題法。以摹寫為正。是發是新。要傳題中如字之神。

榮落何相似。初終却一般。猶疑和夕照。誰信墮朝寒。水國

輝華別。詩家比象難。佳人應誤拜。棲鳥反求安。屈指期輪

滿。何心謂影殘。庾樓清賞處。吟徹曙鐘看。

音堪

箋釋

殘月是每月二十六七將下弦之月。新月謂每月初五六將上弦之月。○榮落初終分貼殘字新字。日人

詩去來說

唐八

返景日夕照夕照將收新月卽出故云和也殘月多落
于朝寒之時水國有水之區詩家多咏月之章唐張夫
人有拜新月詩庾謂庾亮嘗與諸佐夷月
夜登南樓嘯咏謂老于此興復不淺
疏起言是殘是新原不相似何今日始終一樣耶下卽
義承清如字言猶疑是隨夕照初升之月誰信是凌朝
寒將墜之月中比用寔疏若論月之輝華自然有別然
合詩家咏月比象正難措手佳入視如新月則誤拜者
多矣棲鳥認爲新月則反安棲不起矣後比仍用疏明
要之屈指計筭自是殘月而竟謂之殘月于心究未安
也末卽以賞月者作結吾知庾
亮登樓嘯咏應徹盡曙鐘矣
評此題摹寫甚難說新月却不得認真是新月說不像
註是殘月却仍是殘月妙會如字方能面面俱圓若俗
筆一着呆寫便失題神○起用破意法不見題中一字
而題中字字俱醒神到之筆固不沾沾實字○中兩聯

庚

刻劃工細人爭賞之不知欲從顏色窺真相已落詩家第二机矣看起結兩排凌空寫意不沾一實字覺奇情幻景皆注射而出○猶疑誰信屈指何心亦是善用虛字遂令題中如字跳脫紙上○摹寫與刻劃微別大抵刻劃多著實地若摹寫全是在虛處傳神矣

月映清淮流

題句出古詩言月映淮流清光可愛也

失名

題不切清淮則華月照方池亦可移用矣然必解填寫清淮故事則拙不虛不實見蘊藉之妙

淮月秋偏靜含虛夜轉明桂花窺鏡發蟾影映波生澹灩
輪初上徘徊魄正盈遙塘分草樹近浦寫山城桐栢流光
遠蠟珠濯景清孤舟方利涉更喜照前程

箋淮水名淮水至清故曰清淮月中有丹桂玉蟾桂花

釋蟾影切月鏡波切淮澹澹水貌切淮徘徊不定貌

切月桐柏山名在豫州當淮流之衝禹貢導淮自桐柏

蟾蚌之別名淮夷所出禹貢淮夷蠙珠璣魚涉濟也易

利涉大川

疏起明破淮月言當秋夜靜其月含虛甚明也下即承

義清映淮言月裏桂花如窺鏡中月中蟾影宛生波內

映字明點更醒中兩聯全用虛寫言水輪初上恰照澹

灩之中桂魄方盈正在徘徊之際遙塘草樹映秋月而

分光近浦山城映秋月而寫影後比乃實貼淮上言桐

柏之山流光應遠蟾珠之彩濯景彌清矣即以濟淮作

結言利涉之人得此月照豈不喜

前程有路乎就題結住絕不說開

評此所謂串遞題也法宜月淮獲縮方鉤出映字之神

註若說月脫去淮流說淮流脫去月皆不合法○破處

明點淮月第五韵用桐栢蟻珠方有根且題句自是秋
景破中明點秋字尤有眼。○第二韵桂花蟾影鍊句新
穎第五韵用草樹山城點染時景更屬神到之筆而句
法字法皆極琢鍊可以為式。○試律說批此詩佳處全
在由虛入實次第絕好前用虛寫到五聯方切淮上事
蓋此等句原不宜多若句句真寫清淮故事氣必窒而
不通四聯極其蘊藉不必有
淮上事何嘗非淮上真境耶。

風不鳴條

題出監鐵論言風不鳴條見太平之瑞也。

題題意是說風和然不扣鳴條寫不字則有題意
解無題面亦不能緊切更用不着一切咏風泛語

習習和風至過條不自鳴暗通青律起遠望白蘋生拂樹
花仍落經林鳥不驚幾牽蘿蔓動潛惹柳絲輕入谷迷松

響開窓失竹聲。薰絃方在御，萬里仰皇情。

箋周公太平之世，風不鳴條，雷不破塊。○習習和舒也。
釋詩習習谷風。漢書律歷志：侯氣之法，布緹縹室中，以木爲案，從其方位，加律其上，以葭灰實其端，其月氣至，則灰飛而管通。蘋，水木也。宋玉風賦：風起於青蘋之末，蘿蔓生之物。釋文：在木爲女蘿，在草爲兔絲。舜作五絃之琴，以歌南風。曰：南風之薰兮，可以解吾民之愠兮。
疏明破風條下，卽承清不鳴，言風之習習而至也。暗通義律管之中，潛起蘋草之末，彼樹上之條，豈其鳴乎？中聯用正寫言一時之樹花自落，林鳥不驚，縱令蘿影晴牽，亦祇柳煙潛惹而已。後比又用反托，言彼谷中松響窓外竹聲，渺不聞焉。此誠太平之瑞也。宋以歸美本朝作結，言方今天子薰絃在御，誰不仰皇情之洽乎？
評題中有條字，則樹林蘿柳松竹皆可引用，非閑題外註撫及也。扣合不鳴，祇用仍字不字，幾牽潛惹等字，鈎

醒之掉轉之妙全在用筆。○第三韻刻劃已工，第四韻乃用蘿影、柳烟烘染條字。第五韻又用松響、竹聲烘染鳴字。在正面寫却向旁面。反面搜尋故爾空靈不滯。○不字複牽字惹字迷字失字是鍊字法。

風光草際浮題出謝眺詩言風浮草際隱隱有光也。裴杞

題風好寫風光難寫風易見若風光必於草際方解見體物甚微然難摹寫稍不靜細便不着題

澹蕩和風至。芊綿碧草長。徐吹遙撲翠。半偃乍浮光。葉似翻宵露。叢疑扇夕陽。逶迤明曲渚。照耀滿廻塘。白芷生還暮。崇蘭泛更香。誰知攬結處。含思去聲有餘芳。

箋澹蕩風和貌芊綿草盛貌宵露中夜之露也夕陽日釋落斜照也逶迤音委移來去貌照耀光明貌白芷崇

蘭香草也。楚詞：綠蘋齊葉兮白芷生。又：光風轉蕙。

汜崇蘭些。攬猶采也。老子：結草以充杜回。見左傳。

疏：起將風草明點對起。工整。下即承明草際浮光。言風

義徐吹下。而草之翠色全撲草方半偃。而風之光已浮

動矣。中兩聯一用比擬。一用虛摸。言草葉翻處。疑點宵

露之光。草叢扇時。訝閃夕陽之影。試看曲渚之旁。逶迤

皆明。迴塘之間。照耀已滿矣。後此又以草作實。指言日

芷暮生。崇蘭香泛。何處非風。何處不見風。光浮動也。未

以言情作結。言攬結。

此草而餘思不禁矣。

許額聯用串遞法。從風落草從草。找風。浮字活現紙上。

註：光字難寫四聯用宵露夕陽借襯作比擬之詞。是

襯貼法。亦是烘托法。○引宵露夕陽。以宵露夕陽皆有

光也。說翻說扇句。外有風字。句中有浮字。○醒題字處

風光一見。以下說草之葉。草之叢。曲渚迴塘。草之地。白

芷崇蘭草之名。祇說草。不說風。非脫也。以風在草上。見

是風字卽在草字中。寫一。面。而。兩。面。俱。現。方。爲。妙。筆。此。串。通。題。一。定。作。法。

春草凝露

此咏春草凝露。含滋堪愛也。

張友正

題單賦春草便脫下兩字。此作處處解歸重凝露不泛賦春草誠爲得法。

晚卽法。

萋萋芳草色。含露對青春。已賴陽和長。上聲。仍沾潤澤頻日臨。殘未痛風度。欲成津蕙葉。垂偏重。去聲。蘭叢洗轉新。將行愁裏。逕欲采。畏濡身。獨愛池塘畔。清華遠襲人。

萋萋草盛貌。本作蒼蒼。紀本以不切春草。易之。裏音釋邑。杜詩衫裏翠微潤。濡沾也。謝朓詩池塘生春草。疏起明點草露言萋萋芳草。對此青春。其含露堪愛也。義下卽從春字脫卸露字。言此草已幸托陽和之氣而

生。茲何幸復沾潤澤而長也。中兩聯乃寔寫凝字言露見日則晞而草上所凝尚未滴殘。風度則墜而草上所凝直欲成津。試看蕙業垂時帶露偏重。蘭叢洗處浥露倍新矣。後比又于露字生情起下愛字言欲行徑上恐其沾衣欲用手采又怕沾身則惟此池塘之上情華襲人遠望可愛而已。

評試律說批題重凝露非咏春草也。中四句刻劃凝註露極細緻三四句一開一合隨手脫卸絕不費手

月夜梧桐葉上見寒露

戴察

題此言桐葉露寒當月夜見之而清光解可愛也。○段落長題法以鋪叙見工

蕭疎桐葉上月白露初圓。滴瀝清光滿。熒煌素影寒。風搖愁玉墜。枝動惜珠乾。
音。輕。鬆。
 氣冷疑秋晚。聲微覺夜闌。凝空流

欲遍潤物，淨宜看。莫厭窺臨，倦將晞聚，更難。

箋：蕭疎秋爽，意滴瀝，露垂貌。熒煌，露光貌。秋名玉露，杜
[釋]詩：玉露凋傷楓樹林。又別賦：秋露如珠，闌盡也。詩：小
雅：湛湛露斯。匪陽不晞，晞乾也。
陽日也。此天子燕諸侯之詩。

[疏]起用明破言蕭疎桐苑，當月白之夜。秋露已圓，團葉
[義]上矣。下即承清寒字，言其垂來滴瀝，布滿清光。照處
熒煌。遙傳素影，中兩聯用鋪叙法，言小葉風搖時，愁玉
墜。秋林枝動，倍惜珠乾。冷氣侵人，疑是秋天已晚。滴聲
漸微，方覺夜色將闌也。後此乃收見字，以便作結。言凝
空欲遍，不獨高梧潤物，宜看。莫負月夜，不然日出則晞，
求聚更難矣。豈可
窺臨而有倦心乎。

評題非泛賦寒露，是咏梧桐葉上之寒露，是月夜所見
[註]之寒露。若撇題上七字，單賦寒露，便不成作法。此詩

體格未高而圓穩可取錄之以備長題一格

早春殘雪

北咏庭雪消殘以見春和潛至也

姚康

題為是早春所以尚有殘雪刻劃殘解字無作衰敗語方合應試體裁

微暖春潛至輕明雪尚殘銀鋪光漸濕珪破色仍寒無柳

花常在非秋露正圓素輝浮轉薄皓質駐應難幸得依陰處偏宜帶月看玉塵銷欲盡窮巷起袁安

箋銀鋪形雪之白珪破形雪之殘謝連雪賦既因方而釋為珪柳花句形容春雪謝道韞咏雪句未若柳絮因風起露圓句形容雪殘李詩露圓庭綠團聚也素光皓質切雪轉薄難駐切殘駐猶留也何遜雪詩誰言非玉

塵。汝南先賢專表安大雪積地丈餘。洛陽令行至其門。無有路。令人除雪八戶。見安僵卧。令以爲賢舉孝廉。疏起用。明破言春光潛至。而庭際輕明。尚有殘雪。下卽議承殘字。作刻劃語言。銀屑紛鋪。素光漸濕。珪方欲破。淨色仍寒矣。中兩聯描寫殘雪言早春尚無柳花。訝飛絮之常在。非閑秋晚看白露之正團。素輝遙浮。旣乍消而轉薄。皓質暫駐。欲經久而恒難也。后此卽作忻慰之詞。以便轉合結意。言此雪幸依陰處。不至驟消。試帶月看之。其情景正自宜人。吾想雪殘殆盡。彼僵卧之袁安。不且乘時而起乎。評着語不涉板滯。筆極輕倩之致。○對破輕鬆。額聯回註。環用筆妙。極圓轉無柳一聯。是早春。是殘雪。無一字粘。煞詞意新穎。化去刻劃之跡。若第五韵。則純用龍眠白描法。又詩品所謂不着一字。盡得風流者也。○最豁解評。題內殘字。極設興趣。詩中刻劃處。却多雋語。末韵徵引古事。翻空出奇。有絕處逢生之妙。

府試水始冰

題出月令言孟冬迎寒水始結冰也

馬戴

題此賦物小題也法以刻劃見工題眼解在始字若泛咏冰失却題竅矣

南池寒色動北陸歲陰生薄薄流澌聚離離翠激平時澗
霜稍厚廻照日還輕乳竇懸殘滴湘流減恨聲那堪金井
貯會映玉壺清潔白心誰識空期飲此明

箋月令孟冬之月水始冰○陸日行之道左傳日在北
釋陸而藏冰流澌將解之冰楚詞流澌紛兮將來下澌
水滿貌潘岳西征賦青葙蔚乎翠瀲乳鐘乳也竇穴也
江文通詩乳竇既滴瀝湘湘水楚詞濟湘流而南極貯
宿存也冰多貯之井中李白詩玉床金井冰蟬
榮鮑照詩清如玉壺冰莊子朝受命而夕飲冰

疏起聯不見題字是暗破法言南池寒色已動蓋日行
繁北陸而一歲之陰氣潛生矣下句承陰生疏始水試
看池中之水流漸欲聚初薄薄而微凝翠漱乍平正離
離而有色中兩聯刻劃始字言霜稍厚未嘗有稜日
照還輕仍然透影驗來乳竇此時之殘滴猶懸聽向湖
流昔日之浪聲已滅矣後比仍就始水著意清字起下
潔白作結言貯之金井今尙未能清對王壺終當有日
可惜無人識吾潔白之志未免有負飲冰初心耳
評此詩中間刻劃句句著眼始字誠爲得法第二聯薄
註薄離離是體貼始水下字第三聯稍厚還輕是形容
始水第四聯滴殘恨減是刻劃始水第五聯又從後路
夾寫始水○詩中最妙用兩路夾寫法詩句以五字寫
題那得出手妙用夾攻或從題前或從題後或從題上
或從題下一用逼拶本題醒出矣善繪圓光故不在呆
寫正面紀試律說批此府試詩乳竇湘流切其地也
語最警策移于他處則非矣題上存府試二字爲此

窓中列遠岫

題出謝朓郡齋詩言遠岫環列開窓可一覽而收也

白居易

題

題眼在窓中列三字是四圍皆山開意盡解是之景勿之寫遠山方于題上三字有情

天靜秋山好窓開曉翠通遙憐峯窈窕不隔竹蒙籠萬點當虛室千重疊遠空列簷攢秀氣綠隕助清風碧愛開簾後明直返照中宜城郡齋在望與古時同

窈窕窈窕山梁貌曹攄詩窈窕山道深蒙龍林密貌孫綽釋賦披荒榛之蒙龍宜城屬江南寧國府朓曾爲郡守疏起用明破承接一氣言窓對山開當年秋天靜開窓義一覽而曉翠遙通矣最愛窈窕奇峯儼列窓外無有障隔也中聯用實寫言近當虛坐堆來萬點青螺遠接遙空登處千重翠障簷前紛列覺秀氣之直攢清風徐

來。且緣隙而徑入。後比乃放開寫景。以便起下望字。言雨後深碧。最愛開簾。窓裏虛明。更宜晚照。此時郡齋猶是臨窓眺望。豈與古時有殊乎。

評上用對破却以流水聯承之高。習人雲。又復渾灝。一吐氣。此詞最佳。○額聯峯窈窕。竹蒙龍以虛對實。華意活變。學者熟此。月無平板之病。○第五韻更極不粘不脫之妙。詩無沾寔呆寫者。大槩手筆放鬆。方有人神之句。俗學按譜填寫。字字實砌。將題句看成木偶。則筆帶滯相矣。未韵題原不同。習套亦復大雅。

秋山極天淨

此咏雨後天淨。惟見秋山高聳也。

朱延齡

題淨是說秋山極天是說秋山之高。此題

解須向大處看。方為得秋時景象。出。

雨洗高秋淨。天臨大野開。蕊龍清萬象。繚繞出層山。日落

下峯上雲銷萬壑間綠蘿霜後翠紅葉雨來殷音散彩輝

吳何分形厭楚閑欲尋霽漢路翹首願登攀

釋天至秋彌覺其高雨洗謂雨後雲銷正形其淨也大氣助葱蘢繚繞周環貌蘿青而細長無雜蔓楚詞若有花殷音烟赤黑色與十二文殷字音義悉別

疏起承四句分破全題言新秋雨後天淨一望大野何義等寬闊祇覺萬象皆空惟有高山上出九霄而已中間一聯貼天為淨字一聯貼山寫秋字言子峯日落惟有天與山連萬壑雲消祇見山與天接山上綠蘿經霜染而翠鋪山中紅葉為雨洗而紅深矣後比仍就山字推行起下登攀意言此山極萬上與天通不但遠輝吳

句近壓楚關已也。霄漢之路自此可
或。昔也登攀有心。蓋嘗幾回。勉首登

評起筆高聳。氣象萬千。真振得全勢起。亦起調之絕佳
註者。若不如此。便不稱題。○目落一聯。寫淨字亦復潤
大。入後說紅說綠。說彩說形。極言不淨而淨。字之熹愈
見。此以點染為烘托也。微嫌綠羅紅葉。寫淨字太狹。吳
甸楚關。寫極天不出。然前
半崢嶸。固已高踞題嶺矣。

空水共澄鮮

題出謝靈運登江中孤嶼詩

失名

題此咏空水澄鮮。秋色宜人。也點染澄
解鮮。烘。寫。共。字。全。以。寫。時。景。見。情。致。

悠然四望通。渺渺水無窮。野鶴飛天際。烟林出鏡中。雲消
澄。遍。碧。霞。起。澹。微。紅。落。日。浮。光。滿。迢。山。翠。色。同。樵。聲。喧。竹。

嶼棹唱八蓮叢遠客舟中興去聲煩襟暫一空。

箋空長空。水秋水。澄清也。鮮新也。○悠然遙遠之義。

釋渺水遠貌。澄碧貼天說。漚紅貼水說。樵聲採樵之聲。

嶼水中洲。棹唱漁歌也。蓮叢蓮花深處。遠客遠遊之客。

煩襟一空。謂俗情盡滌去也。卽就謝詩本義收結。不用

套語。凡情景題能就本義隨手收結。最好。必節外生枝。

便不自然。若泥煩聖更屈呆筆。與音幸興致也。去聲。興

起之興。

平聲。

疏起用總破言。當秋遠眺。四望悠然。覺水天一色矣。飛

義來野鶴直入天際。而拂儀點處。烟林恍入鏡中。而寫

影中聯分貼空水。烘寫澄鮮。言雲容消盡。天則湛深碧。

而遍澄霞彩散餘水。則映遠波而微瀟。卽將收之落日。

處處浮光點欲醉之遙峯。山山翠色。后卽就江中時景。

作行以便作結。言此時竹嶼之樵聲正喧。蓮叢之棹歌。

方起。江行坐舟。興致不淺。客路頗頗。頓覺一空矣。

詩中用烘托。用點染。皆是不拈。題字。故語有超脫之。
註致如此詩額聯。偶拈一物。愈見一望空明。寫來固自。
類上添毫也。與前首綠蘿一聯。同一用意。而大小有別。
者。亦爭稱。題不稱。題而已。○雲消一聯字法。句法。俱極。
琢鍊。可以為式。○題有澄鮮兩字。與秋水共長天一色。
不同。篇中說鶴說林。說雲說霞。說日光。說山色。組是為。
澄鮮字作烘托。彼題固移用不去。○紀太史試律說。批。
此題有共字。法宜合寫。澄鮮二字。方烘出共字。甚神。中。
四句。空水分拈。未為超妙。
即此又可悟相題之法。

花發上林 此咏上林春早。百花先發也。

王表

題宜切上林。不得泛咏花發。然未推透。寫先發之。
解根亦未中肯。第三韵補腦得法。不獨立言。有體。

上苑春何早。繁花已滿林。笑迎明主仗。香拂美人簪。地接

樓臺近。天垂雨露深。晴光來戲蝶。夕影動棲禽。欲托凌雲

勢。先開捧日心。試看桃李樹。何處不成陰。

箋漢武開上林苑。廣袤三百里。○仗儀仗簪美人首并

釋采簡文詩。但使新花發。得間美人簪。宋詩近水樓臺

先得月。唐律聖代卽今多雨露。晴光謂晴日。花光夕影

謂夕陽。花影凌雲捧日。係借用。作比庾信崔詵碑。思深

捧日。相如賦飄飄有凌雲氣。唐書狄仁傑嘗荐姚元

崇數十人。俱爲名臣。或謂曰。天下桃李悉在公門。

疏起用明破作呼應之筆。言上苑之春色何早。繁花開

義放已遍滿華林矣。下卽承明花發切定上林言花之

發。若逐明主之仗而笑含旦上美人之簪。而香滿中聯

乃用放寬之筆。一寫早發之由。一幕花發之景。此由上

林之地接樓台而較近以故九重之天垂雨露而更深
試看晴光滿苑戲蝶頻來夕影遍園樓禽飛動矣後此
即借先開作喻以便起下言此花久有凌雲之勢今特
先開捧日之心耳從此春色已遍彼桃李之樹處處成
陰矣

評地接一聯恰是上林花窮恰是花少所以先發上林
註補腦之筆正與破中何字緊相呼應○晴光一聯說
戲蝶說樓禽不只爲花字作襯貼要知正是爲發字繪
影繪香也○凌雲捧日寄托自高但與花字未見的切
結就上林推開歸美主試運用舊事恰合自然別本作
當知桃李樹從此別成陰說來便有語病對參之妍媸
互見矣馬孝升評題易爲藻繪
聲詩偏以清麗勝自不窮於趣

御溝新柳

此言御溝之柳
新妍可愛也

題此題宜着眼。御溝字新。字不得透。作。陳詩。
解法與上題同。而兩作局意。亦大畧相似。

律到九重春。溝邊柳色新。細籠穿禁水。輕拂入朝人。日近韶光早。天低聖澤勻。谷鶯棲未穩。宮女畫難真。楚國空搖浪。隋堤暗惹塵。何如帝城裏。先得覆龍津。

一氣流走。

箋天有九重。詩以天比君。亦稱九重。穿禁水。謂水從禁中穿山者。唐律綠。穿禁水。韶光春光也。谷鶯出谷。

釋中穿山者。唐律綠。穿禁水。韶光春光也。谷鶯出谷之鶯。遷喬而來。思棲柳上也。唐明皇有十眉圖。柳葉其一。荆楚記。綠堤邊。悉植柳。隋煬帝幸江都。沿堤植柳。龍

津切。御溝。洛賓王詩。斜望黑龍津。○第十一句。帝城單拘。

疏起用明破承聯緊切新字。言九重春早。御溝之上。柳義色已新矣。其葉則罩水而細籠。其枝則迎人而輕拂。

中兩聯皆切御溝。寫新字。言御溝日近。故能早得春光。御溝天低。是以先沾聖澤。此時新鶯出谷。來棲新枝。猶然未穩。宮女畫眉。欲仿新葉。尙覺未真。後比乃用襯筆。歸重本題。作結言。彼楚國之柳。不過空搖錦浪。隋堤之柳。不過暗惹芳塵而已。何如在帝城之中。得先覆龍津乎。

評篇中說細籠說輕拂說未穩說難真皆是為新字。摹**註**寫說禁小說朝人說日近說天低皆是為御溝。襯貼作小題。自須講緊切法。○欲切合御溝。不得不用穿禁水入朝人。若必用宮女。畫難真。刻劃新字。則跡痕顯露矣。雖小題不妨纖巧。然亦須巧不傷雅。方為人格。○未用襯筆。四句一氣開合。鈎剔御溝。甚醒機局。更覺生動。此與月中桂詩同一機軸。可為收結一氣之成。

反舌無聲

題出月令。此咏反舌。知時。人夏無聲也。

張籍

題景物時題以能描寫時景見情致
解此作烘染得法便覺筆無俗韻

夏木多好鳥偏知反舌名。林幽仍共宿時過已無聲。竹外
天空曉蹊頭雨自晴。居人疑寂寞深院益淒清。人霧暗相
失。當風閑易驚。來年上林苑知爾最先鳴。

箋反舌百舌鳥也易緯通卦反舌鳥能反覆其舌。隨百
釋鳥之音。春始鳴。至五月稍止。○唐律陰陰夏木漸黃
鵲沈約反舌賦。既含意于將曉。劉孝綽詩。越谷響
幽深。○首句好字倒。九十句雙掬。十一句單掬。
疏起明破反舌下乃承清無聲言陰陰夏木好鳥最多
義可異者反舌鳥依林共宿春時已過則寂不聞聲矣
中用烘染法虛寫無聲言竹外涼天蹊頭霽雨正好聽
其和鳴。今則天既空曉雨亦自晴而已。並令居人疑寂

寘之難堪。深院覺淒清之已甚。此仍用虛寫。起勢結到。有聲言飛入霧中。或致暗卷。正當風處。人驚其閑暇矣。要知鳥因入夏感陰氣則暫且不鳴。若到明春上林苑中。則推爾為最先矣。

評按月令註。反舌陰類。故入夏感陰氣而收聲。詩額聯**註**補明此義。更圓。林幽共宿句無着。○中後點染時景。寫無聲。全用烘托法。情詞雋永。結用自寓。恰令本義妙極自然。○詩有現成結法。只在各人心手。靈敏連搗自如耳。此作之反掉。花發上林之推開。皆順現成之勢。毫不費力。便成絕好結法。讀者其詳味之。

秋夕聞新雁 此言乍聞新雁。旅人驚秋也。

黃滔

題題句秋夕聞則詩中有人。在自不得祇作**解**首新雁詩。此作虛實用筆。正是善會題竅。

湘南飛去日。薊北乍驚秋。叫出隴雲夜。聞為客子愁。一聲。

初觸夢半白已侵頭旅館移欹枕江城起倚樓寒燈依古壁片月下滄洲寂聽去哀宵徹躊躇感歲流

箋湘南湘水以南屬楚地。荆薊州以北屬燕地。韓詩嗷謂髮半白上頭也。旅館客館。欹枕圓木枕也。錢鏐王在軍未嘗睡。末年用圓木作枕。熟睡則欹。名驚枕。見吳城備史。趙嘏詩殘星數點雁橫寒。長笛一聲人倚樓。歲月如流。言春去秋來甚迅速也。
疏一起暗破新雁承清聞字以下皆從聞雁着筆更不義作一新雁泛語上實下虛另成章法言雁向湘南飛去薊北一聲人已驚秋當靜夜之時叫破隴雲何堪令客子聞也。猛地一聲將人殘夢驚覺不覺念到頭上半白歲月催人此時旅館不眠頻移欹枕坐起高樓江城遠眺只有寒燈伴人而沙上片月已隱落樹梢矣。念哀

詩之不寐感歲月之如

流經曾寂聽何勝躊躇

評作詩不過情景二字情是兼到者為上偏到者次之

註唐律中如露從今夜白月是故鄉明則情景兼到者

情到者如長疑節見面細致久無書是也景到者如月

華川上動風光草際浮是也景中寓情者如水流心不

競雲在意俱進情中寫景者如捲簾惟白水隱几亦青

山又有情景相觸而不分者如感時花濺淚恨別鳥驚

心又有一句景一句情者如白首多年病秋天昨夜涼

或則一聯景一聯情或四句景六句情摠之融情於景

物之中托思於風雲之表非初學之所能也此游

子六先生論詩如此讀此詩可悟即景寫情之妙

出籠鵲

此咏出籠之神俊異常也

濮陽瑾

題

既綴出籠二字則鵲之神俊正須

解

從出籠時着想方覺入神勿泛賦鵲

塾課定

玉鏤分花袖金鈴出彩籠遙心長捧日逸翰鎮生風一點

起調秀聲五字入神

青霄裡千盤碧落中星眸隨狡兔霜爪落飛鴻每念提携

力常懷搏擊功以君能惠好不敢沒遇空

鵲鳥名有義性禽經載鷹不擊伏鵲不擊姪。玉鏤

試律說謂是飾鷹之具李賀追賦畫江渾苑詩剪翅

小鷹斜縮根玉鏤花眸如星之皎爪如霜之白狡

兔兔最狡獪難以擒伏搏擊即擒伏鳥獸之意

疏起用對破下聯皆承出籠寫鵲言此鵲花袖一分羽

義旁之王鏤微動彩籠乍出額下之金鈴輕搖前此本

具遙心長思捧日今朝得舒逸翰一鎮生風矣中聯純

用摹神之筆言其飛入青霄驚一點之猶高遊來碧落

經千盤而未下眸皎如星隨狡兔而直前爪利如霜擊

飛鴻而欲落後比乃就出籠生情言此鵲恩荷提携念

深搏擊思君惠好之德應不至望遙空而竟去也

註韻爲出籠之神第四韵寫出籠之用五韵寫既出之心末韵仍於出籠上作收束處處頓挫故爾筆筆有神○通首寫鵬之神俊不用一實字填爲非鵬自不能當其出籠之鵬亦不能當後路不肯說開收結處尤爲善疏題義○調高響沉六朝游獵篇遜此勁爽

河鯉登龍門

此咏河鯉化龍飛騰有象也

題題宜用力寫登字方聳動有解勢通首更著一弱筆不得

魚貫終何益龍門在此登有成當作雨無用恥爲鵬激浪

誠難折雄心自可憑風雷潛會合暑氣忽騰凌泥滓辭河

濁烟霽見海澄迴瞻順流輩誰敢望同升

箋水經鯢鯢出犂亢三月則上度龍門得度爲龍否則釋點額而退。○龍門在雍州南傍有山水陸不通龍魚莫能上。江海大魚薄集其下上則爲龍見三秦記魚貫駢首相次也。易魚貫以宮人龍逆流而上曰沂見爾雅北冥有魚其名爲鯢。鯢爲鵬見莊子凡魚之至龍門者雷火燒其尾鬣鬣魚翅也音嗜獵十一句單拘疏直拈題下三字起通首一氣搏挽更無續縫之跡言義衆魚相連而進亦復何益龍門在此看我獨登可耳上則爲龍自能與雲而以濟天下若或點額而退則亦終爲鯢魚卽化鵬亦足耻耳論來逆流而上激浪誠難而雄心終在何不可憑須臾之頃風雷會合騰凌而起從此永辭河濁成游澄海彼順流之輩敢與我同升乎託六韵俱用開合流走之筆故能一氣折旋靈活不滯註若令平放便無聲勢凡遇此等有聲色題皆當堅起

筆鋒方峻。峰有勢。通勢摹寫登宅而用筆自有前後
次第。首韵點明次韵寫欲登之意。三韵寫必登之心。見
從未登時摹寫四韵賦登之之勢。是從正登時摹寫五
韵則形容既登後之景色。未韵即以不能登者作結。

西戎獻馬

此咏西戎歸化
獻馬來朝也。

周存

題此與泛賦馬題不同。寫馬處皆
解從西戎來。獻着筆方無套語。

天馬從東道。皇威遠被戎。來參八駿列。不假貳師功。影別
流沙路。嘶凌上苑風。望雲時蹀足。向月每爭雄。稟異才難
狀。標奇志豈同。馳驅如見許。千里一朝通。

箋漢天馬歌。天馬來從西極。又云。經千里循東道。周穆
釋王有八駿馬。見拾遺記。大宛國有善馬。在貳師城匿。

卷二 景物

宋

不肯與。漢乃使李廣利為貳師將軍伐宛取馬。見史記

蹀音蝶。蹀躞舉也。藉白馬賦。望朝雲而蹀足。春秋考異誌

地生月精為馬。或謂西戎。每以月滿

進兵。故曰每爭雄。○第二句八字倒

疏。起四句用渾破。言天馬何以從東道而來。祇因皇威

義遠。被西戎是以來獻此馬。用參入駿之列耳。豈必假

貳師之功以強取乎。此馬別流沙之路而來。迎上苑之

風而嘶。凌朝望雲。便思蹀足當晚。向月每欲爭雄。此才

稟賦甚異。難以言狀。他驥皆願標奇。實非吾志

也。惟君上許我馳驅。則千里之路。一朝可至耳。

評起四句立言有體。善於制題。而獻字意更覺

註圓到三四聯對尤活變解此用筆便不板滯

越裳獻白雉

此咏異方八貢。見德化之遠也。

王若

題題應着眼越裳獻三字。

解與泛咏白雉題不同。

素翟宛昭彰。遙遙自越裳。冰晴朝映日。玉羽夜含霜。歲月

三年遠。山川九譯長。來從丹徼外。入見白雲鄉。作瑞興周

后。登歌美漢皇。朝音天資孝理。惠化且無疆。

箋韓詩外傳。成王時。南海越裳氏。獻白雉于周王。翟釋音狄。雉名。越裳國名。雉之晴其白如冰。雉之羽其白如玉。越裳去京師三萬里。故言歲月三年。山川九譯。譯音亦。即通使也。九譯。謂經九次。丹徼。即邊外。徼音叫。去聲。白雲。帝鄉也。原本作碧海路。紀試律說。以不切越裳易之作瑞。即用本事。登歌。漢平帝時。又來獻雉。東都賦有白雉至。結意用之。恰好頌揚。

疏暗破白雉。明破來獻。言此素翟昭彰。宛然從越裳國義來矣。下即承清是白雉。言冰晴映朝日而更明。玉羽

言名在言二景物
含夜霜而倍皎。中賦來獻其來也。歲月則歷三年之遠
山川則經九譯之長。是昔在丹徼之外。今入白雲之鄉。
抑何幸也。後此乃用咏嘆作轉。卽起勢歸頌本朝。言此
雉周時旣已作瑞。至漢世又復登之歌咏。况今我。皇
上孝德所感。白雉自至。慈
惠之化。宜乎遠被無疆也。
評前四句寫白雉。中四句寫越裳獻。後四句歸入頌揚
註雖無甚警策。而通體穩愜可取。題係白雉。則白字
亦未可畧。前用水晴玉羽切合矣。第五句上聯用丹徼
借襯白字。下句用白雲正映白字。尤得關照之妙。爲
此處用白字。故破雉用
素翟代之。是替用法。

右錄唐人試律景物題三十首爲一卷。其於風雲
月露下及草木禽魚各類。大小題詩法。亦畧具矣。

應試詩法淺說卷三終